

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Broj: T04 0 KT 0061622 24
Zenica, 23.05.2025. godine

OPĆINSKOM SUDU U ZENICI
Sudiji za prethodno saslušanje
Z E N I C A

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv,
F. M. neosuđivan,

što je,

dana 15.08.2024. godine, u N., kod Uprave policije I, u Policijskoj stanici N., kao nadležnog organa prijavio gubitak vozačke dozvole serijskog broja ..., izdata od Ministarstva unutrašnjih poslova Zeničko-dobojskog kantona na ime F. M., a znajući da je istu vozačku dozvolu putem nadležnog organa zamijenio za vozačku dozvolu Republike Slovenije, na koji način je doveo u zabludu nadležni organ, Sektor za administraciju, Odsjek za administraciju, Ministarstva unutrašnjih poslova Zeničko-dobojskog kantona, da u elektronskim evidencijama izdatih vozačkih dozvola zabilježi poništenje navedene vozačke dozvole, a što je i htio, na osnovu čega je od strane istog Odsjeka Ministarstva unutrašnjih poslova Zeničko-dobojskog kantona sačinjena javna isprava, Rješenje broj ... od ... godine, kojim Rješenjem se poništava vozačka dozvola serijskog broja ..., izdata od Ministarstva unutrašnjih poslova Zeničko-dobojskog kantona, na ime F. M., a koja isprava je imala služiti kao dokaz u pravnom prometu, čime je počinio krivično djelo „Ovjeravanje neistinitog sadržaja“ iz člana 375. stav 1. Krivičnog zakona Federacije Bosne i Hercegovine.